



Inatsisartunut Ilaasortaq Justus Hansen  
c/o Inatsisartut Allattoqarfiat  
/maani

### § 37 naapertorlugu apeqquteqaammut 2011 - 118 akissut

Inatsisartunut Ilaasortaq Justus Hansen (Demokraatit) ulloq 4. juli 2011-mi § 37 naapertorlugu Naalakkersuisunut ukuningga apeqquteqarpoq:

- “1. Aappariinni katissimasuni aapparisaq naartunngitsoq, aappariit qitornaannut meera-vissiar-taarinissaanut sunik pisinnaatitaaffeqarpa, meeraq ikkussivigitinnikkut naartorine-qalersimappat?*
- 2. Aappariinni katinatik uppernarsaatitalimmik aapparisaq naartunngitsoq, aappariit qitornaannut meera-vissiar-taarinissaanut sunik pisinnaatitaaffeqarpa, meeraq ikkussivigi-tinnikkut naartorineqalersimappat?*
- 3. Naalakkersuisut pilersaaruteqarpat angajoqqaajoqataasut inatsisitigut inissisimaneri-sa nukittorsarnissaannut, aappariit imaluunniit katissimasut meera-taarsimappata ikkus-sivigitinneq atorlugu?”*

1-imut

Meeraq inunngorpat aappariinnermi inooqataasoq naartusuunngitsoq (ataataasoq) a-naanaasoq peqatigalugu meeqqamut ingerlaannartumik angajoqqaatut oqartussaassu-seqalersarpoq. Angajoqqaatut oqartussaassuseqarneq pillugu malittarisassani assigiin-gissitsisoqanngilaq meeraq “ikkussivigitinnikkut naartulersitsinikkut” imaluunniit “nali-nginnaasumik naartulersitsinikkut” naartorineqalersimagaluarpalluunniit.

Tassa imaappoq, qitornavissiar-taartoqarnissaa pisariaqanngilaq, meeraq aappariinne-rup iluani inunngorsimappat.

2-mut

Malittarisassat katissimalluni aappariinnermut atuuttut nalunaarsorsimalluni aappariin-nermut atuupputtaaq. 1-imut akissut takuuk.

Tassa imaappoq, qitornavissiar-taartoqarnissaa pisariaqanngilaq meeraq nalunaarsorsi-malluni aappariinnerup iluani inunngorsimappat.

3-mut

Siuliini taaneqareersutut meeraq “ikkussivigitinnikkut naartulersitsinikkut” imaluunniit “nalinginnaasumik naartulersitsinikkut” naartorineqalersimagaluarpalluunniit inatsisitigut inissisimane-allaanerussuteqanngilaq. Taamaammat Naalakkersuisut pilersaarute-qanngillat angajoqqaajoqataasunut aapparisaqartik imaluunniit katissimasartik peqatigalu-

08. jul 2011  
Sagsnr. 2011-052605  
Dok. Nr. 673230  
JESI/-  
Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.nanoq.gl

gu ikkussivigitinnikkut naartulersitsineq iluaqutigalugu qitornartaartut inatsisitigut inissisimanagerat pitsaanerulersissallugu.

Ataatsimut isigalugu

Angajoqqaatut oqartussaassuseqarnerup qaqugukkut atuutilernissaanut tunngatillugu imatut malittarisassaqarpoq angajoqqaatut oqartussaassuseqarneq atuutilersarluni meeraq inunngoreeraangat. Malittarisassat taakku angajoqqaamut naartusumut naartusuunngitsumullu atuupput meeqqap "ikkussivigitilluni kinguaassaqaalersitsinikkut" imaluunniit "nalinginnaasumik kinguaassiornikkut" naartorineqaalersimanera apeqqutaatinagu.

Inussiarnersumik inuulluaqqusillunga

A handwritten signature in black ink, appearing to read "M. Abelsen", followed by a long horizontal flourish.

Maliina Abelsen